



08.04.2024. g. 1. alk'm 7

INSURANCE AGENCY OF
BOSNIA AND HERZEGOVINA

Broj: UP-02-04-2-05-2/24
Sarajevo, 08.04.2024.

Rješavajući po Zahtjevu za pristup informacijama od 06.10.2023. godine, podnesenog od strane „Internacionalni Burč univerzitet, Centar za društvena istraživanja“, Francuske revolucije bb, Ilidža, zaprimljenog u Agenciji za osiguranje u Bosni i Hercegovini putem e-mail-a dana 14.02.2024. godine, na osnovu člana 25. stav (3), a u vezi sa članom 25. stav (2) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), direktorica Agencije za osiguranje u Bosni i Hercegovini donosi

ZAKLJUČAK

Odbacuje se Zahtjev za pristup informacijama od 06.10.2023. godine, podnesen od strane „Internacionalni Burč univerzitet, Centar za društvena istraživanja“, Francuske revolucije bb, Ilidža, zaprimljen u Agenciji za osiguranje u Bosni i Hercegovini putem e-mail-a dana 14.02.2024. godine, kojim se traži da se dostave elektronskim putem informacije o broju podnesenih zahtjeva za pristup informacijama u periodu od 1996. do 2023. te o karakteristikama Zahtjeva, podnosioca Zahtjeva i odgovora, kao neuredan.

Obrazloženje

„Internacionalni Burč univerzitet, Centar za društvena istraživanja“, Francuske revolucije bb, Ilidža dostavio je Agenciji za osiguranje u Bosni i Hercegovini (u daljnjem tekstu: Agencija) putem e-mail-a dana 14.02.2024. godine, Zahtjev za pristup informacijama od 06.10.2023. godine, kojim se traži da se dostave elektronskim putem informacije o broju podnesenih zahtjeva za pristup informacijama u periodu od 1996. do 2023. te o karakteristikama Zahtjeva, podnosioca Zahtjeva i odgovora, kako slijedi:

Karakteristike Zahtjeva

- predmet informacijama traženih Zahtjevom za pristup informacijama te broju protokola;
- datum prijema Zahtjeva za pristup informacijama;
- tip informacija, odnosno arhivske građe tražene Zahtjevom za pristup informacijama; te
- traženi način pristupa informacijama

Karakteristike podnosioca

- status lica;
- rod lica, ako je fizičko lice;
- prebivalište, odnosno sjedište lica, te
- djelatnost(i) lica, ako je pravno lice

Karakteristike odgovora

- vrsta odgovora;
- odobren način pristupa traženim informacijama;

- datum slanja odgovora; te
- popratni, odnosno dodatni zahtjevi

Istovremeno je traženo da se navedene informacije dostave u vidu tabela, koje su u prilogu zahtjeva.

Rješavajući po navedenom zahtjevu utvrđeno je da ovaj organ nije u mogućnosti da provede redovne aktivnosti u cilju pronalaženja zahtjevanih informacija, te s tim u vezi je uputio podnosiocu zahtjeva poziv za uređenje nepotpunog zahtjeva, kako slijedi:

„Ovim putem vas pozivamo da u roku od pet dana od dana zaprimanja ovog poziva za ispravku uredite vaš Zahtjev za pristup informacijama od 06.10.2023. godine, zaprimljen u Agenciji za osiguranje u Bosni i Hercegovini (u daljnjem tekstu: Agencija) putem e-mail-a dana 14.02.2024. godine, na način da precizirate koji predmet tražite, obzirom da je vaš podnesak nepotpun i ne može se sa sigurnošću utvrditi o kojoj informaciji se radi, jer niste naveli konkretan naziv, broj i datum predmeta ili akta ovog organa.

Napominjemo da ste uz zahtjev dostavili i tabelu, koju je neophodno popuniti sa velikim brojem informacija, iz čega proizilazi da je potrebno izraditi i izdvajati dijelove dokumenta što zahtjeva nesrazmjeran utrošak vremena, sredstava, te nadograđivanje i ažuriranje dokumentacije, kao i sačinjavanje novih informacija što bi dodatno opteretilo rad i redovno funkcionisanje ovog organa. Takođe, vaš zahtjev je neprecizan, jer se na osnovu navedenog ne može zaključiti niti da li postoji izuzeće od objavljivanja informacije.

Vaš zahtjev je takođe nejasan i iz razloga što tražite podatke od 1996. do 2023. imajući u vidu činjenicu da je javno dostupan podatak da je Agencija ustanovljena Zakonom o Agenciji za osiguranje u Bosni i Hercegovini („Službeni glasnik BiH”, br. 12/04), a počela je sa radom 2006. godine.

Ukoliko u navedenom roku ne upotpunite vaš zahtjev sa konkretnim nazivima ili brojevima predmeta /akata vaš zahtjev će biti odbačen kao neuredan.”

Navedeni akt je podnosiocu zahtjeva upućen putem pošte dana 21.03.2024. godine, a podnosilac zahtjeva je navedeni akt zaprimio dana 26.03.2024. godine. Predmetni akt je podnosiocu zahtjeva upućen i putem mejla dana 25.03.2024. godine. Do dana sačinjavanja ovog zaključka, Agencija nije zaprimila odgovor od strane podnosioca zahtjeva.

Podnosilac zahtjeva nije ispravio zahtjev u ostavljenom roku, a na osnovu dostavljenog zahtjeva se ne može sa sigurnošću utvrditi o kojoj traženoj informaciji je riječ. Shodno navedenom, postupajući po zahtjevu podnosioca, a u skladu sa članom 25. stav (3) Zakona o slobodi pristupa informacijama na nivou institucija Bosne i Hercegovine, odlučeno je da postavljeni zahtjev ne sadržava dovoljno podataka o prirodi i/ili sadržaju informacija, koje bi omogućile ovom javnom organu provođenje redovne aktivnosti u cilju pronalaženja zahtjevanih informacija.

Ovaj organ je utvrdio da zahtjev nije preciziran i ne može se sa sigurnošću utvrditi o kojoj informaciji se radi obzirom da je podnosilac istovremeno tražio više podataka, nije naveo konkretne brojeve, datume, nazive akata/informacija, te se takođe na osnovu navedenog ne može zaključiti niti da li postoji izuzeće od objavljivanja informacije.

Takođe, bitno je navesti da je podnosilac zahtjeva uz zahtjev dostavio i tabelu koju je neophodno popuniti sa velikim brojem informacija iz čega proizilazi da je potrebno izraditi i izdvajati dijelove dokumenata što zahtjeva utrošak vremena, sredstava, te nadograđivanje i ažuriranje dokumentacije, kao i sačinjavanje novih informacija što bi dodatno opteretilo rad i redovno funkcionisanje ove institucije.

Zahtjev je takođe neprecizan jer se na osnovu navedenog ne može zaključiti niti da li postoji izuzeće od objavljivanja informacije.

Javno je dostupan podatak da je Agencija ustanovljena Zakonom o Agenciji za osiguranje u Bosni i Hercegovini ("Službeni glasnik BiH", broj 12/04), a počela je sa radom 2006. godine, a podnosilac zahtjeva traži podatke od 1996. do 2023.

Obzirom da podnosilac zahtjeva u ostavljenom roku nije upotpunio/ispravio svoj zahtjev, odlučeno je kao u dispozitivu ovog zaključka.

UPUTSTVO O PRAVNOM LIJEKU:

Protiv ovog zaključka može se putem ovog organa izjaviti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema ovog zaključka u dva primjerka.



Dostaviti:

- Internacionalni Burč univerzitet, Centar za društvena istraživanja;
- putem e-maila na: ssrc@ibu.edu.ba; amer.kurtovic@ibu.edu.ba; aldina.husejnovic@ibu.edu.ba;
- a/a.